

欽定八旗通志卷二百十二

人物志九十二

忠義傳四

滿洲八旗四
順治九年

至十八年共一百九人

巴什泰

巴什泰滿洲鑲黃旗人姓伊爾根覺羅氏圖魯什
碩翁科洛巴圖魯次子也天聰八年襲父三等子
世職任一等侍衛順治七年九年連遇

恩詔超加爲一等伯是年蒙古侍衛索尼謀逆忌巴什泰

忠勇乃刺殺之

世祖章皇帝特恩超授一等侯世職

承襲詳見封爵表

達海

達海滿洲鑲黃旗人姓富察氏世居唐五包明安

木地方順治九年以護軍叅領隨征湖南擊賊將

孫可望中傷歿于陣

恩賜騎都尉兼一雲騎尉世職

承襲詳見世職表

吾庫

吾庫滿洲鑲黃旗人姓寧古塔氏世居寧古塔地
方初襲雲騎尉順治十一年隨寧海大將軍宜爾
德征浙江敗僞英毅伯阮思僞總制陳六御等有
功本年十二月隨定遠大將軍世子濟度征福建
海賊鄭成功十四年遇賊船艘環列福州之高齊
境烏龍江吾庫率水師衝戰中傷歿加

恩賜三等輕車都尉世職

承襲詳見
世職表

吳沙

吳沙滿洲人原籍鑲紅旗改隸鑲黃旗姓鈕祜祿氏世居蘇克蘇濟河之安圖地方追號開國功臣納爾察第三子也任護軍叅領順治元年從大兵破流賊二年隨豫親王多鐸攻潼關與鼐格巴圖魯穆成格噶爾哈圖等趨賊於山上連敗之大兵下江南追明福王至蕪湖又同碩兌克高淳縣俱有功五年從征南大將軍譚泰征江西叛鎮金聲桓敗其馬步兵七萬金聲桓王得仁率衆二萬來

犯濠堯吳沙偕護軍統領宜爾德等三戰皆敗之
賊大蹙其餘護軍統領敦拜往定袁州也賊兵千
餘依山爲營吳沙同副都統吳喇禪擊敗其衆七
年敘功授雲騎尉世職九年正月

恩詔晉騎都尉十五年署前鋒統領從勦海賊攻廈門鄭

成功列船於城堡壘拒戰吳沙率頭隊前鋒奮擊
敗之奪其一艘斬賊兵甚衆進逼廈門中傷陣亡
康熙二年追加

恩賜一等輕車都尉世職

承襲詳見
世職表

色勒

色勒滿洲鑲黃旗人姓瓜勒佳氏世居蘇完地方
順治十四年以委署護軍校隨大兵征偽桂王時
荊州僞總兵田國欽黃世桂等欲降而憚賊衆不
敢發色勒隨護軍統領鄂諾等擊敗之遂降十五
年進攻雲南僞侯李成蛟率四總兵迎戰于涼水
井破之至雙河口僞晉王李定國率四侯二伯兵

萬餘來犯力戰陣亡

恩賜雲騎尉世職

承襲詳見世職表

猛格

猛格滿洲鑲黃旗人順治十六年以馬甲隨征羅刹國賊六月賊拒戰江濱猛格率同丁人奮奪賊船被創身歿

恩賜雲騎尉世職

承襲詳見世職表

巴哈里

巴哈里滿洲鑲黃旗人姓費莫氏世居馬佳地方
初以驍騎校駐防江寧順治十六年於瓜洲擊賊
鄭成功力戰陣亡

恩賜雲騎尉世職

承襲詳見
世職表

庫爾庫德

庫爾庫德滿洲鑲黃旗人姓兀扎喇氏世居薩哈
爾察任護軍校順治十六年從征雲南擊賊李定
國於陸噶歿於陣

恩賜雲騎尉世職

承襲詳見世職表

額色

額色滿洲鑲黃旗人駐防江寧順治十六年以佐領隨正藍旗協領胡伸布祿出征海寇鄭成功在瓜洲力戰陣亡

賞卹如例

綏哈

綏哈包衣鑲黃旗人姓完顏氏世居完顏地方委

署護軍校初從護軍統領拉布副都統祖澤舜攻
浙江舟山偽總制陳六御偽英毅伯阮思叛賊張
洪德等率衆舟兵列海上拒戰時綏哈船在第二
隊繼頭隊之後隨副都統永清根特等擊敗之順
治十六年隨平南將軍賴塔征福建海寇鄭成功
十七年五月攻廈門陣亡

恩賜雲騎尉世職

承襲詳見
世職表

納海

納海滿洲鑲黃旗人初任佐領順治十六年委署
叅領隨平南將軍賴塔等征福建海寇鄭成功十
七年五月攻廈門力戰陣亡

恩賜騎都尉世職

永襲詳見
世職表

濟三

濟三滿洲正黃旗人姓扎庫塔氏初任佐領崇德
六年從大兵圍錦州破明經畧洪承疇兵順治元
年從和碩豫親王多鐸破流賊平定河南至潼關

賊據山與我兵戰濟三率所屬兵敗之收兵時隨
都統恩格圖殿後賊突犯我軍者三皆敗之又同
李率泰吳巴海等招撫餘黨定二州五縣二年從
多羅貝勒博洛征浙江至杭州府招撫一府一州
七縣尋擢副都統率兵駐防蘇州賊黃蜚等潛約
城內賊夾擊我師濟三率本翼兵同吳巴海進擊
四戰俱敗之後敵兵復大至奮勇進擊遂中礮歿
於陣

恩賜騎都尉世職

承襲詳見
世職表

珠轍

珠轍滿洲正黃旗人姓舒穆祿氏世居庫爾喀地
方揚古利額駙同族順治十年十二月以驍騎校
隨寧南靖寇大將軍陳泰征湖廣十一年進擊木
城賊中礮陣亡

恩賜雲騎尉世職

承襲詳見
世職表

費揚武

費揚武滿洲正黃旗人姓瓜勒佳氏世居蘇完地
方崇德七年以八品官從征明錦州松山北京山
東等處並有功順治十一年從征廣東僞安西王
李定國至電白縣賊將馬元董仲民王宏勛等來
犯率衆拒敵力戰陣亡

恩賜雲騎尉世職

承襲詳見
世職表

宣爾格德

宣爾格德滿洲正黃旗人姓查庫塔氏世居噶哈

爾弼漢英厄地方初管佐領事崇德五年

太宗文皇帝命薩穆曹海等征虎爾哈部落宜爾格德率

九十八人助之攻克鐸陳河撒津二城斬五十餘人

順治元年授騎都尉世職擢工部理事官四年考

績加一雲騎尉五年江西總兵金聲桓叛隨征南

大將軍譚泰往討賊率兵七萬來拒同大軍奮擊

大敗之賊復連犯我正紅旗鑲黃旗汎地俱擊却

之至信豐縣敗僞寬國公兵二萬於山嶺論功加

二等輕車都尉七年九年三遇

恩詔加至一等輕車都尉又一雲騎尉十二年從征偽秦

王孫可望於岔路口對敵陣亡

恩贈三等男世職

承襲詳見封爵表

博爾和圖

博爾和圖滿洲正黃旗人姓瓜勒佳氏世居蘇完
地方初爲親軍順治十一年十二月隨定遠將軍
世子濟度征福建海賊鄭成功十二年兵至福建

海賊遠颺十三年攻海澄縣博爾和圖越衆先登
力戰歿於陣

恩賜護軍校

賞銀二百兩

永貴

永貴滿洲正黃旗人姓瓜勒佳氏世居蘇完地方
初襲二等輕車都尉順治十一年十二月從定遠
大將軍世子濟度征福建海寇鄭成功十四年正